



影印

文淵閣四庫全書

第一六八冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

春秋明志錄

明熊過撰……………一

春秋正旨

明高拱撰……………三三三

春秋輯傳

明王樵輯……………三三五

宗 旨
春秋凡例

欽定四庫全書

經部
春秋明志錄卷一

詳校官監察御史_臣孫家賢

給事中_臣溫常綬覆勘

總校官原任中允_臣王燕緒

校對官中書_臣鮑之鍾

謄錄監生_臣范廷驊

欽定四庫全書

經部五

春秋明志錄

春秋類

提要

臣等謹案春秋明志錄十二卷明熊過撰過字叔仁富順人嘉靖己丑進士官至禮部祠祭司郎中過嘗注周易專以明象數為事論者與來知德並稱蓋不主先儒舊說者此書亦多採撮舊解各加辨駁大旨在於信經不信傳自序謂道存乎志志明諸言故以明志為名其中於公穀及胡安國傳俱有所糾正而左氏傳為尤多如以邢遷於夷儀為邢自遷非桓公遷之以城楚丘為魯備戒而城非桓公城以封衛以晉人執虞公為存於其國制之使不得他去而非執以歸以甯母之會齊辭子華為不實以洮之盟謀王室為誣說以用鄆子為出自邾人非宋公之命以晉懷

欽定四庫全書

春秋明志錄
提要

公為卓子之謚文公未嘗殺子圉以趙盾並未使先蔑逆公子雍於秦以衛石惡為孫氏黨非甯氏黨以楚殺慶封非以罪討無負斧鉞狗軍之事俱不免鑿空立說屢見牴牾又如以郭公為烏名謂紀異如螟蟻之類以梁亡為魯大夫會盟所聞歸而言之不由赴告故不著其亡之由亦多出於臆斷有用思太過之失然其得解之處往往詞旨平允大義炳然究非他家撫拾空談者可比故卓爾康謂其頗出新裁時多微中亦春秋之警策者視所作易注近實多矣乾隆四十三年九月恭校上

總纂官臣紀昀臣陸錫熊臣孫士毅

總校官臣陸費墀

隱公

魯本侯國姬姓系見史世家今山東兗州府曲阜縣奄宅之故地也隱公名姑息惠公妾聲子子在位十一年謚法不尸其位曰隱周道衰諸侯莫之適從僭端見禮樂征伐自諸侯出矣孟子曰詩亡然後春秋作詩亡非特秦離之降也邪說交亂是非不足盡憑而詩之教亡其所繇來寔在平王之世平逮隱而沒治之故自隱公之簡始學者觀王伯升降之際聖人反正之幾權得矣非天下之至神曷能與此乎

元年

王者而後改元諸侯改元非正也禮稱諸侯三年喪畢以士服入見天子天子錫之圭璧散冕然後歸寧有踰年改元者哉書曰平王四十九年己未公即位者正也魯自改年而紂周之年非也史遷自真公潯

已上爲周王世表無諸侯年真公當夷王諸侯僭端始見改元矣趙子常言諸侯既殯嗣子柩前踰年正月朔乃先謁廟以明繼祖還就阼階之位以正君臣國史因書元年失之矣而元儒吳立夫顧謂史官志人君在位久近紀述之常體非以爲重事其說則曰秦惠文王立十四年稱王秦史改元魏惠王三十七年稱王而汲冢竹書改元太史公漢興以來諸侯世表高祖功臣侯年表類書其侯王元年淮南鴻烈亦

稱淮南元年始先秦時本重改元如立夫以爲非重則秦魏稱王何爲又改元年史官紀實寧有未改元遽稱疑年者若太史淮南則緣春秋而誤不可謂諸侯可改元而引以爲證也衛世家獻公出公皆稱後元則益悖矣不然則黜周王魯疑春秋者亦何過哉

春王正月

書春而繼以王王者所以奉天時也王謂周王也書王而係以正曰此周王建子之正而異乎夏商者也

周正月可以爲春乎春蠢也陽氣蠢然動也陽之始生亦可謂春也書曰惟十有三年春大會于孟津既戊午師逾孟津周歷太初三統四分韋昭班固皆步得次日己未冬至冬至之月稱春自武王革命之始已然故孔安國曰月改春自移然則非孔子加春於王月之上也祿記孟獻子曰正月日至可以有事於上帝日至冬至也正月而日至周改月矣周禮亦稱子月爲春而寔非冠以夏時也按殷人鍾銘唯正月

王春吉日加王於春是時月稱王三代一道以證王者改時月也然亦爲與春王書異遂謂春不可改亦過矣彛器史法偶不同非春不可改也三統之建協於三易人統首艮寅位也地統首坤天統首乾乾子位也孔子曰其文則史故春王正月者非孔子欲行夏時輒改更也白虎通引尚書大傳曰月以仲冬月爲正伏生有所受矣隱之不書即位者胡子曰內非承國上不稟命諸侯扳已以立而遂立焉春秋

首絀隱公以明大法也若是乎聖人之權乎且聖人必以書不書爲褒貶則桓之弑隱宣之殺惡及視聖人何爲書其即位乎豈以桓宣視隱當未減乎抑春秋之所託始姑假隱以定法則聖人上下其手何異舞文而人之罹法者有幸不幸本不足據爲定乎莊閔僖之不書即位又將何說乎聖人之於春秋本不欲沒其實而善惡自見公穀之說乃曰成公志是雖異絀隱之說而以爲削於聖人可乎禮先君始歿嗣

者稱子入春秋則雖有力者或先人以奪人心而定之位如齊頃未逾年而稱公鄭悼未逾年而稱伯則皆不待改元而即位也或疑十二公非擇而書即位也蓋諸侯每用周正繼立立於君薨之月不待踰年者孔子削而不書恐亂夏時亦誣矣柩前之位辭稱哀子而主喪者即逾年臨羣臣之人也曷爲不待改元而即位乎仲子者桓母也手有文焉爲魯夫人而惠公再娶以夫人禮之非矣隱母聲子實攝女君故

當時以爲疑者遂私有翼戴使隱不俟逾年而即位一年不可二君故其元年不得更書即位耳故沙麓齊履謙謂其即位於歲前與桓莊僖元年不書即位者同也左氏不知而曰攝誤矣季子甚信齊氏之言嘗以爲是但其以仲子爲隱母則亦強解辭費不必然也

三月公及邾儀父盟于蔑

三月者周建寅之月近蜀湯氏爲建辰之月是不知

歷數不讀漢志矣魯元侯也而稱公僭也自侯以下葬而稱公耳詩泮水曰魯侯戾止閔宮曰魯侯燕喜如是而已儀禮公食大夫五等諸侯同稱公周禮之末造而改竄以成其私者也春秋私盟于是始及者穀梁子曰內爲志焉爾不日史詳畧也邾曹姓出自顓帝陸終第五子曰安周武王封其後挾于邾子爵國在今鄒縣東南二十里當嶧山之南北界于魯而南連滕薛即今曲阜滕嶧縣之間縱廣踰于五十餘

里矣西自邾瑕以至沂東即今濟寧至沂州之境橫長三百餘里勢不得爲魯附庸意小邾嘗附庸于魯而誤加于邾耳小邾亦邾所分地爲郕城近嶧縣儀氏與徐儀楚陳儀行父同父名與孔父同邾大夫也黎氏言當與邾子克別是一人吳立夫信之然又因莊王弟子克字子儀疑之非也故湯氏謂如家伯家父然以爲家臣之老則亦非也邾五年伐宋桓十五年來朝俱人之十七年書儀父莊十六年又書克則

欽定四庫全書

春秋明志錄

六

人非儀父儀父非克矣即曰諸侯不生名附庸之君字也則卒稱邾子而生何用去一子字耶古者天子會諸侯使聚盟方岳者必割牛耳盛以槃而以敦盛其血司盟之官北面讀載書以告日月山川之神戎右傳敦血以次授當軟者含其血乃坎牲加書而埋之蔑之盟無天子之命也隱初即位而亟盟鄰國之微者斯已無王矣

夏五月鄭伯克段于鄆

鄭國名伯爵宣王封弟友于今華州爲故鄭後遷虢鄆在濟西洛東河南潁北四水間今開封府新鄭是已伯謂寤生段其母弟也鄆今鄆陵段以罪絕屬籍不書國討而專目鄭伯左氏曰譏失教也克者如二君之辭見段之有徒衆也趙氏企明所謂幸辭詩叔于田大叔于田皆刺段而誤以爲刺莊公謂失教成于殺可也以爲罪重于段非訓也以君臣兄弟之倫治之君不君兄不兄而其臣若弟不可遽悖也

欽定四庫全書

春秋明志錄

七

秋七月天王使宰咺來歸惠公仲子之賵

臨諸侯吟于鬼神曰天王宰氏咺名王朝上士中士例名非冢宰貶而人之也季氏謂元士攝冢宰亦非也惠公隱父仲子惠公再娶之夫人而桓之母也穀梁謂孝妻惠母蓋因桓公成風而誤也不稱及一施無別之辭車馬曰賵所以助喪者隱新立不朝而天王反舉卹典天王失所以爲天矣仲子再娶之夫人則何以單舉姓字乎仲子生有手文曰魯夫人于是

元妃沒有聲子繼室而又以夫人娶仲子故異時宗人釁夏曰孝惠娶于商此禮則有以妾爲夫人則固無其禮也此其實也而春秋以王制治之不與也古者諸侯不再娶于禮無二嫡春秋故正之不與惠以爲夫人也而一施之過矣然必以爲妾使若媵然而曰平王忘小弁之怨不念伯服之于周而反啟桓公之于魯則于事實亦少謬矣

九月及宋人盟于宿

欽定四庫全書

春秋明志錄

八

宋魯初合也內稱及宋子姓公爵武王封紂叔父微子于今歸德府是商墟人者列國大夫卑名氏不登于策非貶也宋紹興中韓璜機人表鄧名世及元祐中張子平撰人譜凡三十八國諸侯大夫千七百六十五人中稱人者四百皆是也宿風姓國男爵今宿州經舉國爲盟地國主與在焉是時齊鄭合而魯有內憂故使微者密其跡遠結宋而盟于其附庸之國也

冬十有二月祭伯來

此王臣私交之始也祭本周公第七子所食采邑今鄭州東北一十五里祭城實管城也祭伯畿內大夫祭公之族啖氏謂伯字非爵也祭魯同出而私來魯人以王臣禮之王臣無私交也伯何以知其非爵逮莊公而祭叔來伯叔皆字也若儀禮既冠而字伯仲叔季惟其所當則爲行次檀弓五十乃稱伯仲非也公子益師卒

欽定四庫全書

春秋明志錄

九

稱公子貴戚爲卿者也益師孝公子惠公弟書之志戚也禮王于三公六卿諸侯大夫士皆有服君子卿大夫士小飲大飲皆親臨之將葬弔于宮比葬不食肉比卒哭不舉樂以有服也故大夫卒史必書之日者傳謂公不與小飲蓋卹典厚薄君臣始終之義在焉

二年春公會戎于潛

大行人時見曰會行人曰時會以發四方之禁是天

子宗伯所司也以會禮會諸侯僭也會戎甚矣不朝王而會戎其爲倒施又其甚者也詩曰戎狄是膺戎昆吾之後已姓在今曹州南近宋是周公所膺也魯公就國常與淮夷同征隱公不能繩祖武而輒行會禮斯已弱矣諸侯盟會爲壇基三尺堦三等公上侯次伯子男下升降揖讓稱先君相接戎來朝則坐之門不與諸侯齒也安得式序在位以爲會乎潛魯南鄙近戎地

夏五月莒人入向

莒已姓子爵少昊之裔武王封茲興期國于成陽今青州府莒州是已地與齊相近向姜姓炎帝後向城在莒州南七十三里即鄭漁仲所謂沂州古向城寰宇記居河陽軹西北鄆道元指軹南者宋人定爲密之莒縣南七十里非是杜元凱指爲譙國龍亢東南向城則益遠非所利之國也莒子娶于向向姜不安莒而歸夏莒人入向以姜氏還若是則破其國都俘

其人民莒之罪也然入罪小于滅此實兵不再舉奄而有之矣僖二十六年公會莒子衛甯速盟于向稱莒地宣四年公及齊平莒及郟莒不肯公伐莒取向向係莒則向實滅而書入何也赴以入以入書之耳故曰其文則史胡康侯曰非王命而入人國邑見諸侯之不臣也擅興而征討不加見天王之不君也可謂得竊取之義矣

無駭帥師入極

無駭公子展之子未命大夫也從將尊師衆例書極杜氏曰附庸國或欲通極劇字曰今贛榆縣紀障本紀故封劇縣地紀遷其地遂爲魯附庸莒人向無駭遂得入極也凡爵命出于天子大國卿三命次國再命小國一命一命受職再命受服三命受位命氏者公孫之子不可稱公曾孫以王父字爲氏請于君而氏之也趙金明曰左氏謂無駭卒羽父爲無駭之子請族杜氏不達以爲爲無駭請非也然曰公子公孫皆

生姓之無駭非終身無姓者聖人惡其專兵去族以示貶愚謂氏族一也姓者百世不易公子公孫不可指爲姓也無駭與挾暈同皆隱未爵者也陳氏曰春秋之初魯有無駭挾鄭有宛詹紀有裂繻則猶有未命大夫也呂大圭曰內大夫帥師自無駭始內大夫與諸侯盟自柔始自無駭帥師而後有暈有公子慶父公子友公孫茲公孫敖公子遂公孫歸父之帥師甚則季孫行父臧孫許叔孫僑如公孫嬰齊四卿並帥師矣自柔會盟而後有公子結公孫敖季孫行父公子遂臧孫許仲孫蔑仲孫獲仲孫何忌之及諸侯盟甚則叔孫州仇仲孫何忌及邾子盟句繹矣

秋八月庚辰公及戎盟于唐

此戎請盟約期而往也唐魯地今魚臺縣故方與縣有武唐亭戎來不拒足矣與之盟非也

九月紀履緌來逆女

紀姜姓侯爵炎帝之後輿地廣記國今青州壽光紀

城實古北海劇縣鄭樵云紀後遷劇所謂故劇云紀

劇聲訛鄭所言良是第不知遷劇之紀在莊公之簡不當輒言于此耳緣壽光西南三十里爲紀城其又西爲東安平即紀季所入之鄆又西北且百里爲東莞祭統國君取夫人之辭曰請君之玉女其遺幣以先人之禮行之公羊謂辭不稱主人非也夏后氏逆于庭殷于堂周于戶然諸侯則于館詩稱文王親迎于渭未始出疆越境而使卿未爲非也

冬十月伯姬歸于紀

伯姬惠公之女也

紀子伯莒子盟于密

此外特相盟之始紀子帛者啖助程先生皆曰闕文紀本侯爵而稱子則其稱子闕文也或曰子帛或侯字之誤按左氏子帛即子伯蓋逆女履緌之字密今萊州高密近紀之邑聞之趙企明曰紀自入莒有窺魯之心紀子伯往來莒魯之間于是道與莒子謀于

密爲魯謀也周官有調人諧和萬民有合方氏除其怨惡則諧和仇怨聖人之所與也故履繻字而不名褒之也其後八年而爲浮來之盟莒魯以是交好蓋紀新昏于魯事必有然者然何待八年乃盟浮來其序于莒子之上者或曰比內大夫或又曰主盟此本闕文不假迂曲莒小于魯雖能入向何敢遽至窺魯魯史書法有定繻雖可褒褒者在事何緣獨以字進左氏亦豈可盡信其誣也

十有二月乙卯夫人子氏薨

穀梁傳曰夫人薨不地夫人隱之妻也卒而不書葬夫人之義從君者也左氏以爲仲子說者曰以三年喪畢考宮祭告知之然安有元年先歸賵至二年而後薨者耶郭定襄以爲左氏誤仲子爲夫人是也

鄭人伐衛

衛姬姓侯爵國今淇縣負淇水面百泉古衛都河北朝歌之東康叔始封之地也其後成王伐殷以武庚

餘民封康叔君故殷墟朝歌始併入焉而盡有三監之地世家謂封指加地耳季氏謂武王伐武庚非事實也段之亂其子滑奔衛衛人爲之伐鄭取廩延于是鄭人伐衛鄭伯克其弟又不字其子而擅相伐其惡著矣

三年春王二月己巳日有食之

春秋書月者于春之下則必係王以大一統或事應係時而書則其下月與時文不相屬不得復係之王

矣何休謂二月殷正三月夏正存二王之後統其正朔非也書稱統承先王修其禮樂者于其國所謂之杞得夏時者耳王朝大一統何爲存之耶正朔亦豈在禮樂中耶日月俱東行而日遲月疾月追及日是爲一會然日月之行有冬有夏日之盈縮損益四序不同冬至後爲盈初春分爲盈末夏至後爲縮初秋分爲縮末盈初縮末俱八十八日九十一分而行一象縮初盈末俱九十三日七十一分而行一象盈縮

極差皆二度四十分然不可正視由測晷景或以金水二星及月食之衝知之至月行古歷平行日十三度十九分度之七皆謂近日而疾遠日而遲今課月與天會爲一轉入轉疾初日行十四度六七六四從是漸漸殺歷七日適及平行度其積度比平行餘五度四十二分其疾日損入疾末限又歷七日行十二度空四六二損其所益而無餘乃復行遲初限又歷七日適及平度其積度比平行不及五度四十二分

其遲日損行度漸增入遲末限又歷七日復行十四度六七六四益者亦損無餘入轉一周實二十七日五十五刻四十六分遲疾極差皆五度四十二分舊歷日爲一限皆用二十八限不知轉分進退時各不同至日月之蝕乃月道出入日道兩相交值當朔則日爲月所掩當望則月爲日所衝故皆有食然月曰白道舊謂九道出入黃道一周爲交周其日道距赤道遠二十四度月道出入日道不踰六度其距赤道

也遠不過三十度近不下十八度南向者恒內北而外南月道出黃道外爲陽入黃道內爲陰月當黃道爲正交在春正半交出黃道外六度在赤道內十八度正交在秋正半交出黃道外六度在赤道外三十度復當黃道爲中交在春正半交入黃道內六度在赤道內三十度中交在秋正半交入黃道內六度在赤道外十八度是爲四象二別七日各行九十一度

周歷一交得二十七日二十一刻二十二分二十四秒每一交退天一度二百分度之九十三凡二百四十九交退天一周有奇終而復始月道與赤道正交距春秋二正黃赤道正交宿度東西不及十四度三分度之二夏至在陰歷內冬至在陽歷外月道與赤道所差者多夏至在陽歷外冬至在陰歷內月道與赤道所差者少白道二交有斜直陰陽二歷有內外直者密而狹斜者疎而濶故其差亦異差數多者不過三度五十分少者不下一度三十分經朔應二十

九日五十三刻空五九三而會然月在疾度日在盈限則先經朔而食月在遲度日在縮限則後經朔而食陽厯限六度陰厯限八度以躔離朏朒推演加時本距交遠近考求食分又以入氣盈縮入轉遲疾參伍合朔之正則古法謂百七十三日有一食未盡也夫春秋及漢及元有連月食者將以何盈縮定度哉日行先在黃道裏依限而食者多月行先在黃道表依限而食者少上古陽盛雖會而恒不食大戴禮誥

志篇孔子曰古之治天下者必聖人聖人有國則日月不食星辰不悖揚敬仲謂堯舜禹之時歷年多無日食至太康失邦始日食其言是已然曰厯家嘗以可推步者為衰世之術豈達于天者哉參同契曰水盛坎侵陽火衰離盡昏易通卦驗冬至之日植八尺之表日中晷進尺二寸則月食退尺則日食晷進為盛退為縮以分陰陽壯弱也然則其食當于合朔而不稱朔何也姜岌按春秋日食云是歲二月己亥朔

無己巳似失一閏三月己巳朔去交分入食限大衍同授時加時在晝去交分二十六日六千六百三十一入食限今予友劉敬仲先天推得交分五十四刻九空九二入食限耳然則杜氏長厯推此月之朔為庚午不但司厯之失食耳辰之弗集瞽奏鼓鼂夫馳庶人走左氏諸侯用幣于社伐鼓于朝以自責豈徒修其文哉

三月庚戌天王崩

於是平王崩立太子洩父之遺子林為桓王不奔喪諸侯不臣也不書葬魯不會也諸侯為天王服斬衰禮當以所聞先後奔喪而歸含襚賻贈春秋歷十三王桓王子莊王莊子僖王襄王子頃王皆不志崩謂王室不告者是季氏謂三王實不立以嗣王故追稱而史誤序于為君之世考之經世歷年莊以甲申嗣位己亥崩僖以己亥嗣位甲辰崩頃以壬寅嗣位戊申崩俱非疑年而季氏以為誤其不考甚矣經世之

書即卦氣以驗人事非苟焉而已者

夏四月辛卯君氏卒

左氏云君氏蓋聲子隱公之母也不書姓為公故曰君氏云禮所謂攝女君者是也其不薨無赴哭祔姑之禮不稱夫人故不言葬然則定姒定公之母也何以不稱君氏是昭于定無隱桓之已嫌也二氏者以為尹氏雖王臣于魯為外大夫不卒其卒者必有故若劉子主召陵卒書劉卷矣穀梁子謂天子崩尹

欽定四庫全書

春秋明志錄

二十

氏主魯焉隱而卒之信則私情耳其謂以為王子虎之類然而王子虎名春秋之法惟天子及魯侯崩薨不名其他善者乎即其惡者乎無弗名矣其弗名史失之也今尹氏之卒也將為一氏俱卒乎其大夫者實卒乎氏所同而名獨也一人卒而舉其同其于義蓋未知其為善志也苟曰書氏以見世卿之強則後之強者多矣其遂以得國者亦多矣而不氏何必于尹也獨立斯義乎春秋王卿士卒不日而尹氏

何獨日乎夫尹氏尊之不天子也親之不魯侯也何

獨不名而舉氏而日卒乎然則世卿實可議也其如君氏實非尹氏何哉金氏曰魯有尹氏隱公所困之地所謂鍾巫尹氏者夫尹氏爵位不著亦法所不得書也聲子以君母而舉其繼室之號以卒之明隱之異于他庶子再娶非正則桓非適也

秋武氏子來求賻

武氏世卿也武氏子未命也不稱天王桓在喪未有

欽定四庫全書

春秋明志錄

二十一

命告也其求賻志諸侯失供喪紀也胡氏曰邦有大事而魯不賻雖問罪可也不足以討而反求之以是為失道也王貫道有言周凡三求求賻以平王崩求車以桓王將崩求金以襄王崩喪事有缺則臣職不供甚矣魯安在其秉周禮也包茅不貢霸主至興師而責之武氏子之求賻豈可責也此亦如嬖人子矣嬖人子故巨室也以其臣僕之不供而遂嬖今將責嬖人子之微賦而不責其臣之無藝得乎杜氏曰不

共王喪致令有求經直文以示不敬得其旨矣

八月庚辰宋公和卒

于禮天子曰崩諸侯曰薨大夫曰卒春秋曷爲卒外諸侯而內書薨內薨者臣子辭也外卒者從赴也赴而曰卒臣子辭不可一施之也史因赴而書孔子因赴而修故曰其文則史非黜而書卒也弔不備禮則不日赴不以時則不月或不告或告而不往則不卒著交鄰之道孔子曰其義則丘竊取之矣

欽定四庫全書

春秋明志錄

二十二

冬十有二月齊侯鄭伯盟于石門

齊姜姓侯爵本四岳呂侯之裔尚佐武王封今青州府樂昌縣古營丘也傳六君至獻公而徙臨淄詩仲山甫徂齊城彼東方蓋其事耶侯謂僖公祿父隱之世宋衛爲西黨齊鄭爲東黨再春秋前于是東諸侯始嘗會于虛有合矣齊東濱海鄭近在畿內距千四百餘里鄭莊欲挾馮謀宋而宋魯睦故親至齊地而要盟焉周之宗盟異姓爲後忘宗盟而先齊蓋石門

古濟北齊地今爲東平之平陰鄭以齊地主又爵高

而私尊之是齊伯始基而王伯消長之幾在此陳君舉謂有關於天下之故是也盟先主盟聖人約史之法與載書異衛子魚道踐土之盟先晉魯鄭而後齊宋莒載書之正法也其後叔向子產向戌皆諸侯之良號能獻禮不能舉隱公告薛侯之禮及子魚稱踐土之書宋盟楚人遂執牛耳憤哉或曰聖人約史固異載書乎曰書公及之類是已書公及異載書則正

欽定四庫全書

春秋明志錄

二十三

事情以見實

癸未葬宋穆公

趙子常曰天子葬日不及禮不日諸侯葬月不及禮不月此葬日與夷感穆公立已而侈僭也胡康侯曰諸侯五月而葬同方岳之盟者至或葬或不葬而交鄰國待諸侯之義見矣

四年春王二月莒人伐杞取牟婁

杞當作紀莒入春秋首帥師入向而天討不加也于